

ԱՄԵՐԱՆԵՐԻ ԻՎ ԱՌԵՎՏՐԱՐԶԵՍԱՎՈՐԱԿԱՆ ԽԱՎԻ
ԳՈՐԾՈՒՆԵՐԻ ԹՅՈՒՄԱՆՈՒՄ ԳԱՂԹՈՋԱՆՈՒՄ
(XVIII դ. վերջ—XIX դ. ստանդին կես)

Վ. Ս. ԱՇՉՅԱՆ

XVIII դ. երկրորդ կեսին Օսմանյան կայսրության ժողովուրդը սոցիալ-տնտեսական և քաղաքական ճգնաժամի դնալով ավելի էր խորանում: Օսմանյան կայսրությունը պահպանում էր իր երբեմնի հղորդության մնացորդները միայն: Ավատատիրական տնտեսաձևը օրեցօր ավելիորդ անգամ մատնանշում էր թուրքիայի հետամնացությունը: Պետական կառավարման անկատարությունը, կայսրությունում տիրող արստավոր բարքերը (կաշառակերություն, կամայականություններ, սադրանքներ և խարդավանքներ, բռնություններ) նպաստավոր պայմաններ էին ստեղծում օտարերկրյա պետությունների ազդեցության համար:

XVIII դ. վերջին և XIX դ. առաջին կեսին Օսմանյան կայսրության ճգնաժամի խորացման «նպաստավոր» հանգամանքներ էին պատերազմները (մասնավորապես՝ ռուս-թուրքական, 1768—1774 թթ., 1787—1791 թթ., 1806—12 թթ., 1828—29 թթ.), ինչպես նաև կախյալ ժողովուրդների ազգային-ազատագրական շարժումները: 1787—1791 թթ. ռուս-թուրքական պատերազմը ծանր անդրադարձավ արևմտահայության վրա: «Մեծ վեդիի Կոջա Յուսուֆ փաշան ռազմական կարիքներն ապահովելու համար ոչ միայն սուլթանական հատուկ հրամանով ամբողջ երկրին ստիպեց վարդապետներ, ոսկիներ և արծաթը հավաքել, այլև, համաձայն Պողոս Կաղզվանցու տարեգրության, որպես աննախագեղ երևույթ, «մայրաքաղաքի հայերից և հույներից ռազմական ծառայության համար մարդիկ հավաքագրել, բրիստոնյա ու հրեա հպատակներին ենթարկել ծանր հարկատվության»¹, Շ. Սիրունին թերևս առավել դիպուկ է բնութագրել Օսմանյան կայսրության տառաժընձ, մասնավորապես Կ. Պոլսում բնակվող հայության վիճակը. «Պոլսյո մեջ ամբողջ հինգ գաղթապրեցանք մենք թուրքին հետ: Ապրեցանք՝ սակայն առանց զիրար. ճանշնալու: Նախ ահավոր անդունդը կար մեր միջեւ՝ անոնք տէր էին ու մենք ռայա»²:

Չնայած վերը նշված պայմաններին, հայերը շարունակում էին Օսմանյան կայսրությունում ապրել, արարել և հասնել քիչ թե շատ որոշակի հաջողությունների կյանքի տարբեր բնագավառներում: XVIII դ. վերջին և XIX դ. առաջին կեսին Օսմանյան կայսրության մայրաքաղաքում էականորեն սարքերվում էր կայսրության մյուս բնակավայրերից: Մայրաքաղաքի «առանձնահատուկ» վիճակը ձգում էր մեծ թվով արևմտահայերի: Ըթն XIX դ. սկզբին Կ. Պոլսում կուր 150 հազ. հայ, ապա 1840-ական թթ.՝ 222 հազ. հայ: Ինչպես մյուս դաղթածախներ: հայաշատ քաղաքներում, այնպես էլ Կ. Պոլսում զարգանում էին արհեստները, առևտուրը: Կ. Պոլսո մեջ Օսմանյան տիրապետության շրջանին ասդին թե հայ վաճառականներ և թե հայ արհեստավորներ սկսած են վերստին հետզհետե զարգանալ: Ասոնց կորիզը կաղմած են դժգոհությունները այն հայերը, որոնք պարսկական երկիրներին ու Գարամանեն (Կիլիկիա) բռնի կերպով Կ. Պոլիս գաղթել

1 Մ. Կ. Չուլալյան, Հայ ժողովրդի 13—18-րդ դարերի պատմության հարցերը ըստ եվրոպացի հեղինակների, գիրք II, Ե., 1990, էջ 244:

2 Հ. Ճ. Սիրունին, Պոլիս և իր դերը, Գ. 1, Բելյուրթ, 1965, էջ 51:

արված են³, Ինչպես տեսնում ենք, Կ. Պոլսի առևտրաարհեստավորական խավր շինականում եկվոր էր:

Իրականությունը մոտ էր նաև այն պնդումը, որ «վաշիառունները և բանկիրները ևս շրջակա քաղաքներում ոչ մասնավորապես էին: Այս բանում, անկասկած, արտահայտվել է նաև իսլամական արդելքը՝ տոկոսով փող տալու վերաբերյալ⁴: Կ. Պոլսի և, կարելի է ասել, ընդհանրապես Թուրքիայի տնտեսական կյանքում նշված ժամանակաշրջանում արդյունավետ և բեղմնավոր գործունեություն էին ծավալել հայ ամիրանները: XV-ի դ. վերջը և XVI դ. առաջին կեսը ամիրանների դասի ձևավորման, դարդացման և ծաղկման ժամանակաշրջանն էր: Ամիրա տիտղոսը XVI դ. սկսած շնորհվում էր Օսմանյան կայսրության մեջ տնտեսության այս կամ այն ոլորտում պատկանելի հաջողությունների հասած հայազգի անձնավորություններին: Անկախ այն բանից, թե ամիրանները ինչպիսի դեր են խաղացել արևմտահայ և մասնավորապես պոստահայ լուսկանության մեջ, նրանք անհիշելի հետք են թողել մեր պատմության մեջ: Ինչպես նկատելի է կեն, թե Ֆրիսյան «մոքալաքների» հասակարգին Կ. Պոլսում համապատասխանում էր ամիրանների պատկարը...»: Սուրբ անդրադառնալով ամիրանների և ամիրայական դերադասանների դործունեությանը: Ամիրայական դասը սկսեց ձևավորվել XV-ի դ. վերջերին: Ամիրանների թիվը այս սերնդի և թե՛ մյուսների մասին արժեքավոր տվյալներ չեն տալիս: Մամրյանի «Մասնական պատմություն հայ մեծատունների» և «Թուրքահայոց վաճառականությունը և վաճառականները» մենագրությունները: Այս փուլում ամիրանների դասին բնորոշ էր ձևավորման ժամանակաշրջանին հատուկ անկախությունը⁵: Ամիրանները, դիմականությամբ լիցենզիայի դիմարկությունների, ձգտում էին հաստատուն դործով զբաղվել և մեծատունի համարվ ձևեր բերել: Շ. Մամրյանը նշում է մի շարք տնտեսներ, որոնք XV-ի դ. վերջին պարսի հաջողությունների էին հասել: «1799 առաջնակարգ մեծատուն հայերն էին ի Կ. Պոլսի՝ Աղնաուրյան Գասուրը, Տառնալյան Հովհաննես, Լեմոնճյան Հովհաննես և Կյուլլապյան Հակար տղաները⁶, Ընդհանրապես, XVI-ի դ. վերջին իրենց դործունեությունը սկսած պոստահայ լուսկաններից քչերին հաջողվեց ավելի քան քառսորդ դաս հաջողությամբ դործել:

Չնայած հալ ամիրանները առավելապես կենտրոնացած էին Կ. Պոլսում, բայց նրանց ջանքերից մեծամասնությունը եկվորներ էին: Նրանց մի մասը ի. Պոլսի էր եկել: Արևմտյան Հայաստանի տարբեր բնակավայրերից: Մի շարք երեւելի ամիրայական դերադասաններ Ակն քաղաքից էին: Ակն քաղաքի ծնունդ էին ձևավորվելուները, խորասանճյանները, Միրիճյանյանները, Փիշիկյանները, Աղնաուրյանները, Արփիարյանները, Բիւկյանյանները, Տատյանները և այլն: Թ. Աղաուրյանը «Ակն և ակնցիք» մենագրության մեջ սկսել և ամփոփ նկարագրում է վերոհիշյալ ամիրանների դործունեությունը: Ահա թե ինչ է ասվում Մկրտիչ ամիրա Ջեղաթիւրյանի մասին (1805-1861), «...ի շրջանին ամենեն կարկառուն դեմքը եղած է. մատուցած պետական և ազգային ծառայություններով: Վարած է տարիներ Օսմանյան կայսրության մարքային վերատեսչությունը: Թուրքիոյ մեջ տարածած է երկրագործությունը և մետաքսագործությունը՝ բանալով շատ մը գործարաններ: Ուսանողներ դրկած է նվրոպա. անոնցմէ Գրիգոր Աղաթոն Ա հայ նախարարը եղած է: Իր ազգային դիրքին շնորհիվ կայսերական արտոնություն ձևեր կը բերէ հաստատու զանազան և հոգևոր ժողովները: Սա-

³ Հայաստանի կոչնակ, 1928, թիվ 37:

⁴ Գ. Ե. Երեմյան, Թուրքերի ծագումը, Ե., 1975, էջ 235:

⁵ Լ. Ե. Հայոց պատմություն, հ. 4, Ե., 1994, էջ 96:

⁶ Շ. Մամրյան, Մասնական պատմություն հայ մեծատունների, Կ. Պոլս, 1909, էջ 71:

⁷ Նույն տեղում, էջ 85:

տարած է հրականության, նորոգած է հասցյուղի ներսնային դպրոցը և իր վրա առած սուրբ Բարեկարգության հարցը, ճեղայիրլյան Մկրտիչ ամիրա ունեցած է շարանախանձ հակառակորդներ, որոնք փութացուցած են իր անկումը»⁸, Կ. Պոլսում պակաս մեծ դեր չի խաղացել Միրիճանյանների դերդաստանը. «Բնիկ ակնցի այս գերդաստանեն ծանոթ են երկու դեմքեր—Գաբրիել ամիրա, Շնորհ Մկրտիչ ամիրա: Երկուքն ալ արքունի առաջնակարգ սեղանավորներու Մկրտիչ ամիրա ծնած է 1742-ին, իր բարձր ուսումը ստացած է Իտալիա: Գարձին նվերված է պետական և ազդային բառարանային, իր մեծագործությունները գինքը իր շրջանին ամենեն ազդեցիկ սնունդավորությունը հանդիսացուցած են: Շնորհ ամիրա (այս տիտղոսէն արժանացած է Կաղզվանցի Զաքարիա պատրիարքին կողմէ) 1790-ին ձեռք բերած է Իսթանպուլի առաջին թաղային դպրոցը (Գումդալի) բաժնաւոր կայսերական ֆերմանը: Այս դպրատան մոտ հիմնած է նաև տպարան մը. իսկ 1794-ին Պեյօղլուի մեջ հիմնած է հիվանդանոց մը: Ամեն ուղղությամբ իր համայնքին օգտակար հանդիսացած է և մեռած 1800-ին»⁹. Այսպես կարելի է բացատրել ակնցի ամիրաների Լեւոնապետական և տնտեսական գործունեության օրինակներ վերաբերել:

Ամիրաւներին բնորոշ դրադմունքներէն էր սեղանավորությունը (սարաֆություն), և պատահական չէր, որ շատ ամիրաներ, սեղանավորական րնկերություններ ստեղծելով, բնակչությունից հարկեր էին դանձում և մեծացնում իրենց և կամուտներու: Սեղանավորները միայն զբաղմունքով չէին զբաղվում էին. օգտվելով ալի հանգամանքից, որ Թուրքիայում փաշաները, որպէս «գլխավոր» հարկահաւաքներ, վատ համբավ էին ձեռք բերել, հայ ամիրա-սեղանավորները միջնորդի դեր էին խաղում փաշաների և բնակչության միջև: Այս բոլորով հանդերձ, ամիրապետության մասին խոսելիս պետք է նշել, որ այդ դասի ներկայացուցիչներէն ոմանց հաջողվեց հասնել պատկառելի հաջողությունների և արժանանալ բարձրաստիճան այրերի մեծ վստահությունը: Խոսքը վերաբերում է այն 4 գերդաստաններին (Տատյան, Տյուղյան, Պեղճյան և Պալյան), որոնց գործունեությունը անշնչելի հետք թողեց գաղթավայրի պատմության մեջ:

Ակնի Ասուրլիս դուղից գաղթած և արհեստագործությամբ զբաղվող Մահտեի Առաքել Տատ ամիրոսն՝ Տատյան գերդաստանի հիմնադիրը, 1795 թ. կանչվում է պալատ և նշանակվում արքունի վառոգարանի ղեկավար: Դրանից հետո արքունական վառոգարանի մենաշնորհը 75 տարի շարունակ մնում է Տատյանների ձեռքին, ավելին, նրա՛նք թղթի արտադրությունը և բանակի հանդերձավորումը նույնպէս իրենց տնօրինության տակ են վերցնում: Տատյանները, բացի տնտեսական գործունեությունից, զբաղվում են բարեգործությամբ. մասնավորապէս՝ Տատյան Սիմոն ամիրայի (1786—1832) միջոցներով է կառուցվել Այս-Ստեֆանոյի հայոց եկեղեցին, Պողոս բէյ Տատյանը (1800—1863) նյութապէս օժանդակել է արեւմտահայ նշանավոր մտավորականներ Հ. Սվաճյանին և Հ. Պաբոնյանին: Հովհաննէս բէյ Տատյանը (1789—1869) կառուցել է Մարիթ գյուղի հայկական եկեղեցին: Իմ/ջիւղոց նշենք, որ ամիրաները, ինչպէս նաև պոլսահայ վաճառականները, իբրև ունեւոր անհատներ, գրեթե առանց բացառության բարեգործություն են արել: Իսկ Տատյանները այնքան մեծ վստահություն էին ձեռք բերել սուլթանական արքունիքում, որ որոշ հետադուրդներ սուլթան Մահմուդ II-ի (1808—1839) դահակալության շրջանն անվանել են «Տատյանի դար»:

Տյուղյան գերդաստանը նույնպէս տնտեսական և ֆինանսական հաջողությունների է հասել Կ. Պոլսում: Սարգիս Տյուղյանը XVIII դ. սկզբին ի. Պալիս էր և կել Դերիդից: Տյուղյանները շինպի պատվանունն էին

8 Բ. Ա. Աղաթոյան, Ակն և ակնցի, Իսթանպուլ, 1913, էջ 55:

9 Նույն տեղում, էջ 55:

կրում, Հարկ է նշել, որ շնչակալությունը նախորդել է ամիրայությունը: Դեռևս XVI դ. սկսած, Օսմանյան կայսրությունում զբաղվելով սեղանավորություններ, առևտրական գործառնություններ, ինչպես նաև արքունիքում վարելով արհեստակերպության պաշտոններ՝ հարստացած հայ երևելիները կրում էին նաև շնչակալ անունը: Չնայած շնչակալները որպես խավ ասպարեզից զուրս մղվեցին XVII դ. սկզբին, բայց թե XVII դ. ընթացքում և դեռ XIX դ. սկզբին որոշ ամիրաներ և մեծատուններ կրում էին շնչակալ մականունը: Տյուղյանների ֆինանսական հզորության սկիզբը դրեց Միքայել շնչակալ Տյուղյանը (1724—1783), որը տնօրինում էր սուլթանական փողբանոցը և միաժամանակ զբաղվում ոսկերչությամբ: Իսկ XVIII դ. վերջին և XIX դ. սկզբին Տյուղյանները, մեծ հարստություն կուտակելով, զբաղվում էին նաև տարանցիկ առևտրով, վարկեր էին տրամադրում և նույնիսկ այլևս վեդյաններին հաշվետու չէին: Ամիրայական մյուս գերդաստաններից նրանք տարրերվում էին նրանով, որ, մերժելով հայ լուսավորչական կրոնը, ընդունել էին կաթոլիկություն, կապվել Վենետիկի և Վիեննայի միաթաղանների հետ: Ինչպես Տատյանները, Տյուղյանները ևս Օսմանյան կայսրության թողնվածություն կ. Պոլսում և Արևմտյան Հայաստանում XIX դ. առաջին կեսին կառուցում են գործարաններ: Տյուղյանները նույնպես զբաղվում էին լարեղործությամբ: Բացի կրթօջախներ հիմնելուց, ընչադուրկներին հաց և զեղորայք տալուց, նրանք հիմնեցին «Արշարունյաց ընկերությունը» և «Դիտակ Ռյուդանդյան» պարբերականը: Բայց Տյուղյանների «վերելք» երկար չտևեց: Ինչպես արդեն նշվեց, Օսմանյան կայսրությունում կամայականությունները և խարդախանքները սովորական երևույթ էին. 1819 թ. օգոստոսի 24-ին կատարված հրամար, սուլթանի կողմից արքունական փողբանոցի տեսուչ հրեա Հայեթ էթենդին. «հայտնապես քրիստոնեից թշնամի, և հատկապես Տյուղյանց դեմ ոխացող անձ մը»¹⁰, Տյուղյաններից պահանջում է հաշվետվություն գանձարանի ելք ու մուտքի վերաբերյալ: Ստուգումները «պարզում են», որ 32 հազ. թուրքական ոսկու պակասորդ կա: Մեղադրանքը կեղծ էր, բայց կայսրությունում ոչ ոք հետամուտ չէր արդարության: Մյուս կողմից, պոլսահայ երևելիները կարող էին ֆինանսական պակասորդը փակել, բայց դա տեղի չունեցավ. «Երևելի լիշակներ ավելի ոչ միաբանություններ զիսեցան ի պաշտպանություն պանծալի տանն կանոնիկ՝ կաշով առ տէրութեանն երաշխաւոր պարտաց նոցա, դորս զիսաւ կարէին վճարել, եթե ելանէին ի բանտէ ազնուասերունդ սլաշաղատքն»¹¹:

Ինչ էլ պատճառը. մեր կարծիքով, կար 3 հիմնավոր հանգամանք. մի կողմից՝ Տյուղյանների աշխատանքությունը, մյուս կողմից՝ ամիրայական դերգաստանների միջև զոյություն ունեցող մրցակցությունը և՛ երրորդ՝ սուլթանական արքունիքի բարեհաճ վերաբերմունքից զրկվելու վտանգը ստիպում էին գաղթօջախի աղղային եղևելիներին հեռու մնալ նման միջադեպերից: Պատիժը առավել քան լրաժան էր: 1819 թ. դեկտեմբերին Տյուղյանները արական սեռի ներկայացուցիչները արստովում են Փոքր Ասիայի հեռավոր բնակավայրերը և զխառնվում: Տյուղյանների ունեցվածքը թալանվում է և կողոպտվում. «Իսկ պարտուն կահ կարասիքը, ամեն դարդերը, ճոխությունը, եվրոպական ամենեն ճարտարարվեստ ձեռագործը՝ հափշտակվեցան, պալատին մերկ կողոպուտ դարձավ, որուն միայն կահ կարասիքը և տիկնայց զոհարները կարժեր կ'ըսեն, 80 հազար քակ կամ 40 միլիոն դուրուշ, որոնք որդվոց որդի անցեր էին»¹²: Այս ողբերգական պատմությունը ավելորդ անգամ աշացուցում է, որ Օսմանյան կայսրությունում աղղային փոքրամասնությունները, մասնավորապես հայերը, որ-

10 Մ. Օրմանյան, Աղղայապատմ., հ. Գ, Երուսաղեմ, 1927, էջ 34-35:

11 Ա. Պէրպէրեան, Պատմութիւն հայոց, Կ. Պոլիս, 1871, էջ 102:

12 Մ. Նուրիխան, Պատմություն ժամանակակից, Վենետիկ, 1891, էջ 305:

քան էլ հարուստ լինեին, որքան էլ մեծ ազդեցություն ունենային սուլթանական բարձր ատյաններում, նրանց կյանքի և ունեցվածքի անվանապատկանությունը չէր երաշխավորված: Տյուլյանների անկմամբ շատ հայ սեղանավորներ նույնպես ընկան ծանր իրավիճակի մեջ: «1820-ին 1835՝ մինչև 4. Պոլսի հին սեղանավոր մեծ ակրնցիները տեղի կուտային հետզհետեւ զործի ու աշխարհի՝ առ թաղերն, 4. Պոլսի բանիմաց հայերը կը կեզրոնանային զիրարակալես Տյուլյանց պաշտպանութեամբ»¹³,

4. Պոլսում XIX դ. առաջին կեսին մեծ հեղինակություն և վստահություն էր ձեռք բերել Պեղճյան դերդաստանից Հարություն ամիրան: «Պոլսո անցյալը պրպտող մը հանկարծ իր դեմը կը դանկ իր օրերուն վրա շուրջ ձող ալ մեծ անձնավորությունը որ Յարություն Պեղճյանն եղավ, համբավավոր նազել ամիրան»¹⁴, Բացի մետաքսի առևտրով զբաղվելուց (ի դեպ, այդ պատճառով էլ ստացել էր խաղաղ մականունը), նա զբաղվում էր նաև ջուլհակությամբ: Պեղճյան ամիրային յուրովի է բնորոշում Ա. Պերպերյանը: «Սիրէր յոյժ կերակրել զսովեակս, զգեցուցանել զմերկս, ժողովել զօտարս, հանել ի բանտէ զարդիւնալս, աղատել ի մահուանէ զպատժապարտս»¹⁵,

1807 թ. Հովհաննես Տյուլյան ամիրայի օղնութեամբ Հարություն Պեղճյան ամիրանը նշանակվել է արքունական դրամահատարանի հսկիչ, իսկ ապա նաև՝ սուլթան Մահմուդ II-ի անձնական սեղանավոր և խորհրդական: «Պեղճյան ամիրան, մոտեկ լինելով Բ. Դռան բարձրաշխարհիկ և հողերը գործիչներին, ֆինանսատնտեսական գործերից դատ, զբաղվել է այլ հարցերով: Տյուլյանների նման Պեղճյանը ևս չի խուսափել սադրանքից (1820 թ. 4. Պոլսի ֆրանսիական դեսպանի պահանջով արքունի է, սակայն 1821 թ. ներման է արժանացել): Ներումից հետո Պեղճյանը նշանակվում է Երկրի դրամահատարանի կառավարիչ և զղալի աշխատանք կատարում Օսմանյան կայսրության ֆինանսահարկային համակարգը դարդացնելու ուղղությամբ: Հարություն ամիրա Պեղճյանը ազգային մեծ ծառայություններ է մատուցել: «Պեղճյան Յարություն Ամիրա Մարգարա առաջարկությամբ Պարսկահայ մեծահատոր Բառարանի և ի Վենետիկ նմանօրինակ բազմածախ դրքերու հրատարակմանը մեկնեալ հանդեսացած է»¹⁶, 1823 թ. նրա ջանքերով է կառուցվել հայոց պատրիարքարանի նոր շինքը, Մայր եկեղեցին (1829), Ս. Փրկչի ազգային հեղինակությունը (1833), մի շարք կրթօջախներ: «Սուլթան Մահմուդի հետ Պեղճյանի ունեցած կապերուն շնորհիվ էր,—ըրում է Հ. Սիրունին,—որ հայերը ստացան 1830-ին սուլթանին մեկ հրովարտելը սեփականությանը մասին նորուստը մի Ս. Փրկչի վանքին»¹⁷:

1826 թ. սուլթանը ֆերման հրապարակեց երկրում կանոնավոր զորք ունեցնելու մասին, որը փոխարինելու էր ենիչերական զնգերին: Որոշ ուսումնասիրողներ ենթադրում են, որ Պեղճյան ամիրան զգալի դեր է խաղացել վերահիշյալ զեղերը վերացնելու գործում: Մենք հակված չենք այդ կարծիքին: Նախ՝ սերբական, հունական ապստամբությունները, ապա նաև՝ եգիպտական ընդվզումներն առավել պատճառ են դառնում Բ. Դռանը՝ ուղեմական բարենորոգում իրադրվելու համար, այնպես որ այս հարցում «խաղեղա ամիրայի վերը շղեպը է դերադնահատել: Ինչևէ, ինչպիսին էլ լինեն հանդամանքները, Հարություն ամիրա Պեղճյանը պոլսահայ ամիրաների ամենակարկառուն դեմքերից էր:

13 Հ. Գ. Մյուրյան, Թուրքահայոց վաճառականությունն և վաճառականը, 4. Պոլիս, 1908, էջ 18:

14 Հ. Սիրունին, Պոլիս և իր զեղեր, հ. 2, Բեյրութ, 1969, էջ 66:

15 Ա. Պերպերյան, նշվ. աշխ., էջ 256:

16 Ա. Այվազյան, Շար հայ կենսագրություն, 4. Պոլիս, 1893, հ. 3, էջ 157—158:

17 Հ. Սիրունին, նշվ. աշխ., էջ 75:

Ամիրայական առաւել ճայտնի գերդաստաններից առանձնանում են Պալատները: Ինչ XIX դ. Օսմանյան կայսրության սուլթանները և թե՛ ժամանակակից խորհրդական խնամուխոնքները պարտական են այս ամիրայական դերասաններին, քանի որ Ստամբուլի ներկայիս վեհաշուք և հոյակերտ բազմաթիւ կառույցներ, որոնք բաղաբի այցելումս են, Պալատներին աշխատանքի արդասերն են: Բնականորէ նախաճայրը համարվում է Պալի Բալիքան, որը XVIII դ. սկզբին Կոստանայից եկել է Կ. Պոլիս և արքունիքում աշխատել, իսկ՝ բազմա «կառույցներ վերանորոգող», ապա՝ պալատական ճարտարապետ: Գերդաստանի առաջին ներկայացուցիչը, որը առաջինը կրեց Պալատն ազգանունը, Գրիգոր ամիրան էր (1767—1831): Նա ոչ միայն պալատական ճարտարապետ էր, այլև սուլթան Սելիմ III-ի խորհրդականը: Գրիգոր ամիրան բեղմնավոր ստեղծագործական կյանքով է ապրել. նրա կառույցներից են Գումդափուի Մայր (Ս. Աստվածածին) եկեղեցին (1628 թ.), լազմափվ մզկիթներ, ղորանոցներ, պալատներ: Պակաս բեղմնավոր չէ՝ Գրիգոր ամիրայի որդու՝ Կարապետ ամիրայի գործունեությունը. բազմաթիւ պալատների, կոթողների, ղորանոցների, եկեղեցիների և այլ կառույցների շարքում առանձնանում են երկու կառույց, որոնք Կարապետ ամիրայի ստեղծագործական տաղանդի արգասիքն են՝ Գումդափուի պալատը (1856 թ.) և Եգիպտիկի Ս. Փրկչյան ազգային հիվանդանոցը (Հովհ. ամիրա Արմիրայանի հետ): XIX դ. առաջին կեսին, շարունակելով գերդաստանի մասնավորական ավանդույթները, Կարապետ ամիրայի որդին՝ Նիկողոս բեյ Պալատը, Կ. Պոլսում կառուցել է պալատներ, մզկիթներ և այլ շինություններ: Նա կրթություն էր ստացել Փարիզի Սեն-Պարպ բարձրագույն վարժարանի ճարտարապետության բաժնում: Ինչպես Կարապետ ամիրան, այնպես էլ Նիկողոս բեյ Պալատը ակտիվորեն մասնակցել են հայ համայնքի հասարակական կյանքին: Կարապետ ամիրան, օրինակ, 1847 թ. սուլթան Աբդուլ Համիդ II-ից ձեռք է բերել Ազգային հոգևոր և գերագույն ժողովների արառնադիր:

Ինչպես յուրաքանչյուր խավ, այնպես էլ ամիրայությունը միատարր չէր: Այս կապակցությամբ շատ դիպուկ է Հ. Մամրյանի գնահատականը. «Կային այդ մեծատուններում մեջ՝ տղերներ, ամբարտաժաններ, մոլեռանգներ, թուլաբարոներ ու մանավանդ անխոհմիտներ. կային՝ դիտակներ, համեստներ, ջերմեռանդներ, խստակրոններ ու խորագետներ այլ իմացիայի ներհակ տեսակները՝ նվաղեցան կամ տեղեկներ որոշեալ ատեն մը՝ իրենց ալդ հասկությունը նվազության կամ ամբողջության, հոգևության կամ լավությունների համեմատ»¹⁸:

Ամիրայների դերակշիռ մասն ապրում էր շեմը առանձնատներում և ապարանքներում¹⁹: Բայց կային ամիրաներ, որոնք ավելի համեստ նիստակաց ունեին և չէին տառապում ցուցամոլությամբ: Ամիրաներին բնորոշ էր նաև ազգային-հասարակական գործունեությունը: Միամտություն կրիներ կարծել, որ ամիրաները ազդեցություն չունենային հայ համայնքի վրա, մասնավորապես Կ. Պոլսում: Մինչ 1844 թ. կստեղծվեր Ազգային ժողովը, որը պետք է կարգավորեր պոլսահայերի ներքին խնդիրները, զաղթողախի ղեկավար մարմին էր Կ. Պոլսի հայոց պատրիարքարանը, որի վրա պատկանելի ազդեցություն ունեին ամիրաները. «Մինչև 1846, մեր մեջ ժամանակին ամենևն ազդեցիկ Ամիրան ազգապետ կը համարվեր: Նորա շուրջ կը համախմբվեին ամիրայական համաստեղծության նվաղ փայլուն մոլորակներն, և Ամիրայից ժողով մը կը կառավարեր Ազգը»²⁰: Կան բազմաթիւ դեպքեր, որ ամիրաների «անուղղակի» մասնակցությամբ փոխվել են

18 Հ. Գ. Մամրյան, Մամանկան..., էջ 112—113:

19 Տե՛ս Լևոն, նշվ. աշխ., էջ 103:

20 Բ. Զեյնյան, Պալատություն Ս. Փրկչի հիվանդանոցին հայոց Կ. Պոլիս, Կ. Պոլիս, 1883, էջ 91:

պատրիարքները: Հարկ է նշել, որ պատրիարքարանը ֆինանսավորվում էր ամիրանների կողմից: Ընդհանուր առմամբ կարելի է այսպես ձևակերպել ամիրանների գործելակերպը. ավելի քան քառորդ դար Կ. Պոլսի համայնքի՝ ղեկավարը պատրիարքարանն էր, սակայն փաստական իշխանությունը ամիրանների ձեռքին էր: Լինելով ավատատիրական կարգերի ծնունդ՝ ամիրանությունը պայքարում էր այդ կարգերի անասանության համար, սակայն ժամանակն իրենն էր թելադրում: XIX դ. 40—50-ական թթ. և առավել ևս 60-ական թթ. հայ ամիրանների ազդեցությունը գաղթօջախի տնտեսական, քաղաքական, մշակութային կյանքում աստիճանաբար նվազում էր: Դեռևս 1819 թ. հատուկ ֆերման էր հրապարակվել առևտրի վերաբերյալ, որի համաձայն՝ արտոնություններ էին սահմանվում այն առևտրականների համար, որոնք առևտուր էին կատարում եվրոպական երկրների հետ: Ովքեր ցանկանում էին օգտվել վերոհիշյալ ֆերմանից, գանձարան էին մուծում 1500 դուրուշ և ստանում էին սուլթանական բերաթ, որը նրանց աղատում էր իշխանության կամայականություններից և զերծ՝ պահում ավելորդ հարկերի գանձումից²¹:

Միաժամանակ XIX դ. 20—30-ական թթ. սկսած աստիճանաբար ամիրայական դասի հետ սկսեցին մրցակցել եվրոպացի հետ կապված բանկերները: Ղա նոր ձևավորվող էֆենդիական խավն էր, որը ամիրայության դեմ մղվող պայքարում շատ հաճախ օգտագործում էր պոլսահայ էսնաֆություններին: Միաժամանակ պետք է նշել, որ մինչ XIX դ. կեսերը նոր ձևավորվող պոլսահայ մագնատները սերտորեն կապված էին հտալական և հատկապես ֆրանսիական կապիտալի հետ. «Իտալական ու ֆրանսիական կապիտալի դերադրեցիկ ուժին պետք է վերագրել հենց իտալական և մանավանդ ֆրանսիական ազդեցությունը պոլսահայ բուրժուազիայի «ալաֆրանկա» կենցաղի ու տարազի, լեզվի և գրականության, մամուլի ու թատրոնի և լուսավորական բովանդակ կյանքի վրա»²²: XIX դ. 40-ական թթ. սկսած անգլիական կապիտալը Թուրքիայում սկսում է լուրջ մրցակցության մեջ մտնել իտալա-ֆրանսիական կապիտալի հետ և այն իրականացնում է պոլսահայ վաճառականների ու մեծատունների միջոցով, որոնք արդեն կողմնորոշվել էին դեպի անգլիական շուկա: Անգլիան ամեն կերպ ձգտում էր իրեն ենթարկել թուրքական հումքային շուկային և լավագույն պայմաններ ապահովել իր ապրանքների իրացման համար: Այդ տեսակետից հատկանշական է 1838 թ. Օսմանյան կայսրության և Անգլիայի միջև կնքված առևտրական համաձայնագիրը, որը Թուրքիային արգելում էր իր տարածքում մտցնել արտահանման մենաշնորհ: Միաժամանակ Բ. Դուռը պետք է համաձայնվեր 5 %-անոց ցածր մաքսային հարկի հետ, որ դրվում էր ներմուծվող անգլիական ապրանքների վրա: Այսպիսով, մի կողմից Օսմանյան կայսրության համար անբարենպաստ արտաքին հանգամանքները, որը խորացնում էր նրա կախվածությունը օտարերկրյա կապիտալից, մյուս կողմից երկրի պետական ապարատում կատարվող փոփոխությունները (նախարարությունների ստեղծում, «Օստոմանյան բանկի» վերականգնումը 1856 թ.) հայ ամիրաններին դուրս էին մղում իրենց ավանդական ոլորտներից: Ինչպես նշվեց, ասպարեզ էին իջնում հայ էֆենդիները, որոնք եվրոպական կրթություն ստացած՝ և օտար լեզուների տիրապետող անհատներ էին: Լավ կողմնորոշվելով ժամանակի քառուղիներում՝ նրանք հաստատուն դիրք էին զբաղում պոլսահայ իրականության մեջ: Հետաքրքիր է, որ որոշ ամիրաններ նույնպես համալրեցին էֆենդիության շարքերը:

Կ. Պոլսի գաղթօջախի սոցիալ-տնտեսական կյանքի ուսումնասիրությունը թերի կլինեն, եթե չանդրադառնալինք քաղաքի առևտրաարհեստա-

²¹ См. А. Д. Новичев, История Турции, т. 3, Л., 1973, с. 83.

²² Ա. Հովհաննիսյան, Նախադյոսն և նրա ժամանակը, հ. 1, Ե., 1955, էջ 353—354:

վտարակտն, կյանքին: Չնայած ևրկրի ընդհանուր հետամնացությանը, մաւրաւսդարեւ աշխույժ առեւտուր էր ընթանում. քաղաքում կաւին 1000-ից սակի կրպակներ, որոնց մեծ մասը պատկանում էր հայերին: Բացի այդ, կային բազմաթիւ շուկաներ, խաներ, վաճառանոցներ: Որոշ ապրանքատեսակներ վաճառվում էին հատուկ շուկաներում:

Օրինակ, Աթ րազար, Դավուդ րազար կոչվող շուկաներում վաճառվում էին ձիեր, ջորիներ, ծախ րազարը ստրկավաճառության վայր էր (սուլթան Մուստաֆայի օրենքով, քրիստոնէա ազգերին արգելված էր ստրուկների առք ու վաճառքով զբաղվելը), Ղեվահիր քաղաքը թանկարժեք քարերի, ոսկա և արծաթյա իրերի վաճառանոց էր, Օթուրադը քաղաքը՝ հանդերձանքի: Ինչպես այլ մասնադիտությունների տեր մարդիկ, տնայես էլ Կ. Պոլսի հայ վաճառականները ստեղծել էին իրենց էսնաֆությունները (էսնաֆությունները): Ջարդաղնեով առեւտուրը և փող կուտակելով՝ հայ վաճառականները Բուրքիս և Կ. Պոլս էին ներմուծում հետևյալ ապրանքային սեսակները. հեղկակաւ շաւեր, համեմունքներ, գահարներ, իրանական կեւասներ, մետաքսներ, արաբական բեհեզներ: Եվրոպայից նրանք բերում էին կերպուներ, հայերիներ, գերմանական սաթ և այլն: Առեւտրական դործարքները հարստացնում էին նորաթուխ առեւտրական ըուրծուադիային: Ինչպես նշվեց, XIX դ. 40—50 թթ. օտարերկրյա կապիտալը հաստատուն տուար էր դործել Թուրքիա: Եվ ահա հայ միջնորդ առեւտրականները, տեսնելով իրենց դործունեության համար նոր ուղիներ, XIX դ. թողնում էին իրենց բնակչության վայրերը և տեղափոխվում եվրոպական երկրներ, ընդ որում՝ իրենց կապերը շագկով Թուրքիայի հետ:

Եթե պոլսահայ դադութում ամիրանները սոցիալ-տնտեսական հարսւրերություններում մեծ ազդեցության և դիրքի էին հասել, ապա սոցիալ-հասարակական կյանքում իրենց ինքնահաստատման ուղին էին հարթում արհեստավորները: Ինչպես XVIII դ. վերջին, այնպես էլ XIX դ. սկզբին շարունակվում էր Արևմտյան Հայաստանի շատ քաղաքներից արհեստավորների գաղթը Կ. Պոլս: Շատ դիպուկ է բնութագրել Զ. Մամրյանը Կ. Պոլսի այն ժամանակվա արհեստավորական մթնոլորտը. «Կամարակաւ մեծ Շուկային պեղեսեներեն սկսելով՝ մինչև Վեզիր խանի, Չուխաճի խանի, Վարքճի խանի, Վելիտի Մեծ-նոր և Սյումայուլ խաներու մեջ ու շրջակայքը բռնած էին արհեստական ու առեւտրական կարեւոր դիրքեր հին հայ շուխաճիները, գաղաղները, ոսկերիները, ակնագործները (ճեվահիրճի), թյուլլիները, յաղմաճիները, շալճիները, պեղճիները, մսնորավաճառ մսնիֆաթուրաճիները, դալփաքճիները, սահաթճիները, թոհավճիները, պիլեզիկճիները, աւղաճիները, հոշակավոր քյուրքճիները, տելլալները, երկաթավաճառներն ու շիլիկիրները»²: Մայրաքաղաքի այս առեւտրարհեստավորական խայապը նու միջավայրում գերիշխող դիրք էին զբաղում հայերը, հույները և հրեաները: Ինչպես արհեստավորները, այնպես էլ բժիշկները, ուսուցիչները, օրամշակները միավորված էին էսնաֆությունների մեջ: Սովորաբար յուրաքանչյուր էսնաֆությունը ընտրում էր իր յուրատեսակ դեկավար մարմինը, որը բաղկացած էր 3 անձից՝ նախագահ, գանձապահ և քարտուղար: Այս 3 անձնավորությունները ընտրվում էին աւտոռ ժամանակով, և նրանց մնալը այդ պատասխանատու պաշտոններում կախված էր նրանց դործելակերպից, էսնաֆությունները, մասնավորապես յուրաքանչյուր էսնաֆության ղեկավար մարմին, ոչ միայն կատարում էին իրենց ավանդական պարտականությունները (գանձարանի եկամուտների տնօրինում, արհեստավորների շահերի պաշտպանություն, կարիքի մեջ գտնվող արհեստավորների կամ նրանց ընտանիքների նյութական օժանդակություն), այլև հետևում էին արհեստավորների բարոյական նկարագրին (կային որոշ պատժամիջոցներ ծուլների, հարբեցողների նկատմամբ):

22 Զ. Մամրյան, Թուրքահայոց վաճառականություն և վաճառականք, էջ 17:

Թվենք մի շարք արհեստավորական էսնաֆություններ, որոնք գործում էին Պոլսում XIX դ. կեսերին. գույումճի (ոսկերիչ), տյույբենտճի (ծաղկարար, դաշող), հացադարձ, քերեւտեճի (փայտյա շինանյութ պատրաստող և վաճառող), սաւդալճի (հողաթափ կարող), խերպի (ղերձակ), սահաթճի (ժամագույծ), դյուրկեր (հյուսն), աշլի (խոհարար) և այլն: Կ. Պոլսի էսնաֆությունները ամենահեղինակավորը ոսկերիչներն էին: Ոսկերիչների էսնաֆության մեջ մտնում էին նաև ոսկեղեն ու արծաթեղեն վաճառողները: Քաղաքի մեծ շուկայում նրանց հատկացված էր մեծ տարածություն, և շատ հայ ոսկերիչներ հաջողությամբ մրցակցում էին եվրոպական ոսկերիչների հետ:

Սոցիալական շերտավորումը ակնառու էր էսնաֆություններում, վալպետները քիչ թիվ շատ լավ վաստակ ունեին, բայց աշխատանքի 60—70 % ծանրությունը իրենց ուսերին տանող ենթավարպետները և աշակերտները մի կերպ իրենց գոյությունն էին քարշ տալիս: Ինչպես միջնադարյան Եվրոպայում, այնպես էլ Կ. Պոլսի էսնաֆություններում վարպետ դառնալու համար մոտ 15 տարվա տրեւջան, համառ աշխատանք էր պահանջվում, և աշակերտների հոծ բանակից վարպետի բարձր աստիճանի էր հասնում մոտ 20—30 %-ը: Էսնաֆությունների մասին խոսելիս պետք է հաշվի առնել նրանց յուրահատուկ հակակշռող դերը պոլսահայ գաղթօջախում: Էսնաֆությունները ձգտում էին մասնակից լինել գաղթօջախի կարևոր հարցերի լուծմանը: Նրանց «ախոյանը» ամիրաներն էին, որոնք ձգտում էին առավելագույնս միանձնյա լուծել ազգային կյանքի ամենարդմադաճ հարցերը: Պոլսահայ էսնաֆությունների մի շարք հայտնի ելույթներից (1820 թ., 1826—29 թթ., 1841 թ.) հետո նրանք ևս Ազգային ժողովի միջոցով ի վերջո մասնակից դարձան գաղթօջախի ներքին կյանքի կառավարմանը:

Այսպիսով, պոլսահայ գաղթօջախի սոցիալ-տնտեսական պատկերը XV—XVI դ. վերջին և XVII դ. առաջին կեսին մեղ է ներկայանում իրեն հատուկ երանգներով: Չնայած որ ամիրաներն իրենց հզորության գագաթնակետին հասան քննարկվող ժամանակաշրջանում, այնուամենայնիվ, չպետք է անհետել այն փաստը, որ նրանք ուշ միջնադարում հաջողությամբ դործած խոջաների և շեյխաների օրգանական շարունակությունն էին: Այնպես որ, ամիրայությունն ուներ իր խոր արմատները: Լինելով տվյալ ժամանակահատվածի ծնունդ՝ ամիրաները ձգտում էին որքան հնարավոր է ճկուն գործելակերպ որդեգրել: Մի կողմից, ամեն կերպ ցանկանում էին անսասան պահել իրենց տնտեսական հզորությունը և արժանալի թ. Դռան վասալությունը, մյուս կողմից, ձգտում էին վճռորոշ դեր ունենալ գաղթօջախի ազգային կյանքում: Պոլսահայ գաղթօջախում տնտեսական աշխույժ գործունեություն ծավալած առևտրաարհեստավորական խավը իր հերթին ձգտում էր հնարավորության սահմաններում հաստատուն տեղ ունենալ հասարակական կյանքում: Այս ամենով հանդերձ, պոլսահայ գաղթօջախը յուրահատուկ մի ամբողջություն էր, որը հաջորդ տասնամյակներին հասարակական-քաղաքական վերափոխումների առաջնորդը պետք է դառնար:

ДЕЯТЕЛЬНОСТЬ АМИРАЕВ И ТОРГОВО-РЕМЕСЛЕННОЙ ПРОСЛОЙКИ В КОНСТАНТИНОПОЛЬСКОЙ АРМЯНСКОЙ КОЛОНИИ (КОНЕЦ XVIII—ПЕРВАЯ ПОЛОВИНА XIX ВВ.)

В. С. АШЧЯН

Р е з ю м е

И в турецкой экономике, и в армянской среде весомую роль в вышеупомянутое время играли амираны. Эта богатая прослойка армян, ко-

